

Dano: Bible for Jude, Philippians

Formatted for Translators

©2022 Wycliffe Associates

Released under a Creative Commons Attribution-ShareAlike 4.0 International License.

Bible Text: The English Unlocked Literal Bible (ULB)

©2017 Wycliffe Associates

Available at <https://bibleineverylanguage.org/translations>

The English Unlocked Literal Bible is based on the unfoldingWord® Literal Text, CC BY-SA 4.0. The original work of the unfoldingWord® Literal Text is available at <https://unfoldingword.bible/ult/>.

The ULB is licensed under the Creative Commons Attribution-ShareAlike 4.0 International License.

Notes: English ULB Translation Notes

©2017 Wycliffe Associates

Available at <https://bibleineverylanguage.org/translations>

The English ULB Translation Notes is based on the unfoldingWord translationNotes, under CC BY-SA 4.0. The original unfoldingWord work is available at <https://unfoldingword.bible/utn>.

The ULB Notes is licensed under the Creative Commons Attribution-ShareAlike 4.0 International License.

To view a copy of the CC BY-SA 4.0 license visit <http://creativecommons.org/licenses/by-sa/4.0/>

Below is a human-readable summary of (and not a substitute for) the license.

You are free to:

- Share — copy and redistribute the material in any medium or format.
- Adapt — remix, transform, and build upon the material for any purpose, even commercially.

The licensor cannot revoke these freedoms as long as you follow the license terms.

Under the following conditions:

- Attribution — You must attribute the work as follows: "Original work available at <https://BibleInEveryLanguage.org>." Attribution statements in derivative works should not in any way suggest that we endorse you or your use of this work.
- ShareAlike — If you remix, transform, or build upon the material, you must distribute your contributions under the same license as the original.
- No additional restrictions — You may not apply legal terms or technological measures that legally restrict others from doing anything the license permits.

Notices:

You do not have to comply with the license for elements of the material in the public domain or where your use is permitted by an applicable exception or limitation.

No warranties are given. The license may not give you all of the permissions necessary for your intended use. For example, other rights such as publicity, privacy, or moral rights may limit how you use the material.



Philippians

Chapter 1

¹ Neni Paulo' ki Timotio kisi Izesu' Kiristo' gonouve' minusiguti luhuvo gizo hulo Izesu' evenele'zuho Hilipi musu bola minada ido a'mida evene' mono' gondolo minavesi egi'to'luhuvo mene gizo nohulusive. ² O'moso'mi zou hogu ido gipele Izesu Kiristo' gelekele lengita minelive. O'moso oponi lomino lengikumu gele'lengemo muluneu nolize izo mino numuna lolengendo mina'nouve. ³ Ne O'moso oponi lomino lengikumu geledengemo muluneu nolize izomino numuna lolengendo mina'nouve. ⁴ Gamenegamene lengikumu numuna lo mina nouvoni nene nolize izo numuna lo mina nouve. ⁵ Muluneu nolize namba izo mina nouve, lengi mono vomilati gilindi'dizi mini indise mesi ha gili nizangumu. ⁶ Nemulu'ne namba lengito neine'nene evene lengiku gono api'ive, nemo'nene ha'gono ndovo'ndovo' ogo neivo Izesu' Kiristo' gamene've soto ilive. ⁷ Lengi nene neni mulunelo minikevosa ne, emu'nene nolize ize lengema nouve. Lengikisi hamo'gonouve minunako ne-emu'nene galapusolo'minuhe indo heta minuhe. ⁸ Lengikumu' mulu'ne lengema' nouvoni'nene O'moso'mo neni' muluneu nigeneive. ⁹ Neni' nene numuna nololingiduvoni' nene evene' mulunde ngema' monovo nene lengi mulundinguko vo namba' namba ilive lo gelenouve. ¹⁰ Numuna nololingiduvoni'nene monovo lamine'ne'mo lengi mulundingu mine vai la-avo mini Izesu' aline gamenelo nene lengita golonduvo monovo minamilive. ¹¹ Indo numuna nololingiduvoni' nene monovo lamine'ne'mo lengi mulundiguko nene govi nosonite'ne'mino vai lo-ominivo evene' namba Izesu' Kiristo' nene lambana'vesi indo guli nambasi ogo hetelelive. ¹² Indo nenita nanite ukonela sota'ihe monigi gilinizave, ne'mo nene evene ni'zando mono gamazi nda evene'to davo longema aka ngolosive. ¹³ Ne'monovoloti'nene Roma'vetini solidiza nete nemu nigi giliminani' nene mo galapusove neive li nigimianiza. ¹⁴ Ne uwonemote indo nakunemote nene O'moso'mi amuzo lamine' ngemavo ingisi golise gilami mono'amuzo goloso mili diminanive. ¹⁵ Evene'linge ma nene mulu'nigu goloso ominivo mono' lingimaha, mane mulunigu lamine' ominivo lingimani' indo evene' mulunigu lamine' ominivo lingimave nete nene. ¹⁶ Paulo'nimu nene mono, gamazi ne'mi gesi minave li giliminani. ¹⁷ Inge gomu' luhuvo gizave nene ingine nene mulu'ine lamine' toti' gizami haza engikumu' gela monovo minivo gizani've, indo Paulo'nimu nene galapuso embeta minelinda nene mulunou goloso gelo minelive li giliminisa luhuvo nene gizanive. ¹⁸ Indo' nadi' oneive? Ingi nene Izesu' nimu gamazi limili gosoho' lingimahe indo' gamazi lamine' lingimahe ne mulu'neu nolize namba izo nouve. ¹⁹ Indo neni gelenouvoni' nene lengi numuna nilandi'mo nene O'moso'mi Sikalahu' nemo hize, elevole onidivo galapusoloti' nene ha kuluhizelesuve lo gelenouve. ²⁰ Nanimuve, gamazi monovo ne'mino neive, neni' nene inite namba gelenouvoni' nene novoze ma-a helamuve, indo' evene namba Izesu'Kiristo amuzo nemo neni' muluneu amuzo molo neivo minendovo neni' helelohe indo ve'nesi minelohe. ²¹ Nela nene Izesu' Kiristo kisi makato' minendovo mino nela meni'ne ndonedo aloseive. ²² Indo ve'nesi hamineloni' nene aka zala volohe manigo gelamuve. ²³ Ti'iha neni' nene ve'nesi minelohe indo helelohe inte'namba nene okulumoku ndizo vokuvo Izesu' kiristo' kisi makato minelesive lo gelenouve. ²⁴ Indo ve'nesi hamineloni' nesi, nene mo-olamineve. ²⁵ Nanimuve neni' nene gele elevole onouvoni' nene venesi hamino gono ndondo vo mino alinge nene makato' lolize izelone lo gelenouve. ²⁶ Gamazi monovo namba nene alinge' Izesu' Kiristo' aline' gamene nene mukito lolize izelone. ²⁷ Lingitine nene mo Izesu' Kiristo gamazi'velo' ndi guni e'meta ani aleve nizavo alinge ma alohe amolohe a'minda ha lamine' e'meti nizave li linimavo gelemineve. ²⁸ Evene' lingine lovove lili ilingimi lizavemu' nene golise'ine gilamilo, alinge nene O'moso'mo ve-nine lopovo nite gisele seive, ti'iha lengi nene O'moso'mo ndo tine' mololengendeneine aleve nizanako Omoso'mi anau' minilisave. ²⁹ Ne-emu' nene mo-o Izesu' Kiristo'nimu nene gili haza ami mogili ele'vole igi minilo. ³⁰ Nanimuve lingi nene mo geni namba, nambau ndizilisave, neni' ukonelo igi mili ninindavo ni-nigani' ne'mino lingisi geni lingimilisave.

Chapter 2

¹ Indo gamazi ma ndo ele'vole olengedo hulo Izesu'Kiristo' anau mina kumu nehe, indo ei umo helemine' monovou minakumu nehe indo Sikalahu'toti loema-a' nehe ,indo lengi mulundigu nene zou hongu indo'evene mulumo gelengeda' monovo engiku noline' nene, ² ne,mo nene nesi mulune ndi'lamine' ilisave, indo lutine gatine vo-hamo' ominivo nelo nene inite' ma-ndo soto oloneli'nene gili-minilisave. ³ Lngine inite'ma igi mili ilisama gei hamolike gulive nda'kumu amilo ove. Lngine lutine gatine ndi'mi limi mini evene' mamu'gilavo ndize minivosa igi mili ilo. ⁴ Lngine lengi kumu' gilavo ndizamilive, evene maliti genimukisi gili mini hize-ele' ingindilo. ⁵ Evene maliti monovosi indo lingi monovosi vohamo ominelive, Izesu' Kiristo' monovolo nemino. ⁶ Izesu'Kiristo' nene mo O'moso'mininela neni nene O'moso ngindini nouve lo magelamive. ⁷ Ei'nene gulive namba nene ndo'mo lemo musumbou aleve ne'mine lolo ogo mo, mine'mo lemo gonouve ne'minosa minineve. ⁸ Ei've've ndo'mo lemo mino O'moso melehi gamazilo' e'meto mino vo-o malipo zalo ndi ndzi bilikevo hiline've. ⁹ Nemu nene O'moso meleho nene gipelemi' gulive ndo oto gulive namba imine'. Ne gulive nene evene' mukiliti gulive,inesi hulo velet' minine gulive imineve. ¹⁰ O'moso meleho ne'mine ine nene Izesu've gulivelo' nene evene' okulumoku'nizahe indo musumbolo nizahe indo musumbo lulou' nizahe, mukito nene ombuvo'ine hizimilisave. ¹¹ O'moso ne'mine ine' nene evene embe muki embe, tati' no' ine atoatokisi nizave netesi Izesu' Kiristo' nimu nene evene'nambave li O'moso melehi gulive nene ndi otilizave. ¹² Ne-emu' nene neni'zuhu gehepeve-ve, lengi nene gamazi luvondo' emeta-a nani nene nenikisi minelonindo'kovo e'metamisa nezesi minamolone' gamenesi nene ha emetivo' minilo. O'moso'mo ndo tine' mololendani aleve nune li-i lengehelele izeminivosa elevole' igisa e'metilo. ¹³

Nanite'kumuve asi've O'moso'mo lengi mulundingu gono ndo, indo gono lengemo, indo longolize izi, ma-a kumukisi asive ndo ote-lengendelive. ¹⁴ Nemu' nene lngine inite' igi mili nima-a mulundingu goloso giligimami indo lovo lolize , hizamilo. ¹⁵ Ne'mine ilizadimo nene legikuko goloso monovo nomine' mini lisihe' monovolo mini evene goloso neti ve'nido nene livi labana' ne'mini nizavo nigilizave. ¹⁶ O'moso'mi gamazi velesi neine' gamazi nene digili'li dimini e'meti nizavo Izesu' kirisito arine' gamenelo nene nolize izo mino negono duvoni'ma nene vohaza amive lo nigelesuve. ¹⁷ Ido' neve'nesi nouvoni' nene legi' gele-ele'vole' tine do ele'vole olegedelesa volodo' vanise hize lepa aka magoloseline'. ¹⁸ Nene mo mukito' lolize izelesune. ¹⁹ Ti'iha neni gele elevole Izesu' Kirisito'do ei'ne'mo Timotio'ni imiselavo ogo legikisi nizavo ne'mo nene legi monovo lamine' igi mili nave lavo geledodi'mo nesi do amuzo moloni delive. ²⁰ Nanite' kumu've, evene'ma ezegidini ne'mineve evene' kumu' gilimina'ave. ²¹

Nanite' kumu've , evene' ma nene engi gono' inemu gilavo namba ogavo ido Izesu' Kiristo' gonomu' nene gilavo gomo omina' neive. ²² Ti'iha ligi nene mo eze monovo've ogo molo monine' nene moniginizave , eze monovo nene izipe gomolite gamazi gilida' ani' ne' mino geledave, Timotio' kisi makato' mono' gono dusingu niga nuve. ²³ Neni' gonouko nige vevese lamine' okosa, inite' lamine' omina line' nene mo Timotio'ni geto imiselekuvo mogeto aloseive. ²⁴ Ido nesi gele ele'vole onouvoni' nene gamene gomo ma nomino nesi mo alosuve. ²⁵ Ne-gele nouvoni' nene Epafaradatusi'ni imisele legita olohe logelenuve, nanimu've eze nene neni' naku'ne minosa ido gono makato da usive mino ido lovou' va'avemaminosa monosa mono' gamazi dova' neive. ²⁶ Nanite' kumu've, ezesi nene mo legi'kisi minelonelo mulunou lamine' geleneive. ²⁷ Legi' nene ezemu' sikinite' gizedaveli gilani'mamu nene, molamine've ezene mo sikinite' gizedani'nene mo helato' mininela O'moso'mo mulumo gelendo indo neni kumukisi mulumo gelendave geni geni muki damilinelo. ²⁸ Nemu' nene mulu'neu nabalo' gelenouvoni' nene molegita imiselekuvo vavo ligi nigi logolize nizavo, nesi nolizeizelove. ²⁹ Lngine Epafaradatusini nene muludine imisa logolize izisa dalo, ne'mineve dalisama O'moso'mi zou hongu legito minivo dilegita ilizave. ³⁰ Izesu' Kirisito gono dadoti' nene mo eito' mo hela soto' inela, a'minemu gelamo ukono hulo gonou ogo gono lamine' ogo hize ele' onido, ligi embe malokisi dosa ogo hize, ele' onidave.

Chapter 3

¹ Neni akune zuhove' gamazi lo-okulo tilo lolengemelove,lingine O'mosomu longolize izi imilo.Neni nene gosele' nembelamive, gohi luhuvo gizo lolengema'kumu. Nanitekumu've amine nemo ndo lamine olengendeleseive. ² E-ehe' evene guloma'mini vovotingu igi nimonani' ne-emu nenegizembo igi minilo.Okondine ndi goloso ikilizave. ³ Leze ukonde huku-une evene' nene O'moso'mi Sikalahu' li'mi elevole toti lolize izo indo Izesu; Kiristo' ei'kumu' gizembo mino lolize izo noune, ⁴ Neni nene okondela initekumu lilizani nene neni'ne ngivile onouve. Indo-o ve'malimo nene ngivilenouve lilinesi nene nenikovo ngivile onouve. ⁵ Gamene 8,nene novivo neni'oko'ne losuvo hukihulindikewo, neni' nene Junda've nouve,Indo-o Benisameni avopilemo ne-e nouve.Neni nene Himbulaizo' ve indo lo-oku minuve Palisaizo've nouve. ⁶ Ne-e O'mosomi gono ndalosa giluvoni neiho,ndo ato ogo O'mosomi evenele zuhoma nene ndo gopo,napo ongende kuve,indo-o lou gamaziu nigilizani nene nenitati monovo goloso nigamilisave. ⁷ Indo' musumbou muki inite lamine nene niguvoni nene haza nite nemine nigokuve, Indo-o Kiristoni emetuvoni' nene lamine' neivo no-o e'metuve. ⁸ Musumbou inite' muki' nene haza nite nemino minikevo nigosa. Izesu' Kiristo' evene namba ne no emetuve. ⁹ Ne evene lisihetove lolo uvoni nene lou gamazi emetuvondoti nomive,o'ove,neni lisihetove lolo'uvoni nene Izesu' Kiristo'ndo' gele elevole ogo emetuvondotive. ¹⁰ Ne-e mu'nene neni nigo gelelove, nani'mine amuzo'mo ndo otendihe, indo ei Izesu' Kiristo' kisi maka gimizo mino, indo-o maka gono ndo vo mino helakisi soto ilive. ¹¹ Aka'maneine nene amine akalotinene ne-esi amingu voholo helo gohi otelesuve. ¹² Ne-e giluvoni' nene ndalovelu giluvoni' inite olihe nigo ndamo,indo olihe gahevelasi vamuve. Neiho gono elevole ogo ndo Izesu' Kiristo'ni nene elevole ogo ndonouve. ¹³ Akuno'ne zuhokizo negelenouvoni' nene, ne monovo nene olihe ndamuve. Neiho ne-e gomu initekumu mo-o gane'molavo alinge ndalo initekumu elevole ogo gono nonduve. ¹⁴ Ne-e elevole' ogo loti'noizuvoni' nene vo-o gomu molo meni da-a kumu' Izesu' Kiristo'niguti. ¹⁵ Leli muki nene mo-o nambo okuni ve-e nene le'o nemine ogo gate geelone, indo-o lei gate ato initekumu gelo mineloni nene ei O'moso'mo ndo soto mololendeleseive. ¹⁶ Neiho, lei nanite ndokumbe, nene inite ne ndo elevole ogo ndo'minelone. ¹⁷ Akunone zuhove, neni monovo nemine igi mili-i emeti minalo. Indo-o lengi nene ningi lamine igi nigilo, evene vovotingu ma-a nene nimonani nene nei ogo molo uvoni mamine igi mili nizave. ¹⁸ Evene vai nivangu nene nivave ne mo-o gomu lolengemekuvoni' evenema indine gohi ive novezesi nololingimuve. Ne-e evene nene Izesu'Kiristo'ni malipo za-a ndalive ligi gomu lovo imave veve. ¹⁹ Ne evene nene alinge vi golese ilisave.nanite'kumuve' ngei okoni nemo gilindo emetigi indo-o, ngei okoni nene soza omoso,mino ngelemizo ndo gahevela okavo ngovozo hela,misumbou monovo, amine evene nene lili igi nizave. Ne-e evene nene misumbou inite kumu gilivo igi nizave. ²⁰ Neiho leli nene okulumoku evene nouninako nemu nene, Nambote Izesu'Kiristo', okulumo hulo ogo lelemiziline, kumu gizembo noune, ²¹ indo ei amuzo namba tunu Izesu' Kiristo' ogo okonde goloso nene ndo malo' ei okono mamino ndo velepe izelendo, indo muki inite nene ei Izesu' Kiristo gizembo oleseive.

Chapter 4

¹ Ne'mine oneivo nene naku'ne uvo'nemote zuho neni nene mulune lengema-a nouvoni ' nene lengi nene neni nolizene' indo lengi nene inite lamine ma-a ndaloni' nene lengikuti' ndaloni ogave, ne-emu' nene lengi nene mo-o evene namba O'moso'mi amuzo nambau kavo minilo. ² Indo gei Londiai kisi Sinitike kisi lengi nene lutine gatine mili hamo igi O'moso'mi anau minilizo. ³ Mo-o lamineve,lingi nesi hamo gono nda-a unive nene alungo mene hize, ele ingindilo, inginesi O'mosomi'gono ndunigu' geni,geni nambalo dokune, indo Kelemenile indo makato hamo' gono da-a' unive gulivete minevo,minevo Buku mo-o minave. ⁴ Evene' nambamu longolive izimilo ngohi nololingimuve' longolize izimilo. ⁵ Monovotine lamine nene evevne ngelembizi,kevo,O'moso'si makato nizave li-i nigilizave. ⁶ Inite mamu gelamozo, inite vai kumu nene,Omoso' lavo lo'emezo,indo 'O'moso opo'nivo lominezo. O'moso hulomikanivo ge-e gelo molonane inite,kumu nene O'moso'movo nigo gelemineleve. ⁷ O'moso'mi muluno, zou, hongu, evene,liti mandu inesi ivile oneine'mamo hitelengedelive. Ei' Izesu' Kiristo nguti. ⁸ Gamazi lo osulo lolosa ti'lo noluve" inite lamine' neza-anehe,inite gulive nambo nezaloti nda'nehe,inite'lamine neza'nehe, inite'ma nigavo gulive nambada-a inite ma,neivoma ne-e vemukovo gili minilo. ⁹ Inite lamine'nema vovotingu'mino ogo molo lengelembizuvoni'ne monovo malo emeti nizavo O'moso'mi zou, hongu, lengi'kisi minelive. ¹⁰ Indise nene O'moso,evene' nambamu' nolize no-o izemuve. Lingi nene hize ele' ondelone li-i lutingu gilimini'keni neiha aka ma-a ngolosamivo ha-a mini indise mene ngolosi gumu' nene O'mosomu mulu'neu lamine gelemuve. ¹¹ Ne-e nene inite' kumu ma-a vise' uvelo malolengemamuve, inite nominekisi mo-o nolizevo izo-o mina-a uvonako, inite'ne nehe nomihe, mo-o laminekovo mina-a' nouve. ¹² Neze nene mo-o evene' inite' neivo minani' ne'mino mino indo inite nomivo minani ne-eminio mino, indo nosonite na-a aka soto,ihe indo-o gana mina-a aka soto ihe, inite' nigo nuhe,namuhe, ¹³ O'moso amuzo nema-a neine amuzoloti' inite' muki ha-a ogo molo mina nouve. ¹⁴ Lingi nene neni' geni'nesi makato gehenido mina' noune. ¹⁵ Lingi Hilipi aleve mo-o nigi gilinizave, mono gono api' ogo ndo,ndo vo-o mino Mesendonia musumbo hulo novuvo nene,mono' malitesi nene inite' ngima-a ani'mamini ne-e ma nimamave. Lengikovo nene nima-a nave. ¹⁶ Ne-e Tesalonika musumbou gono ndo minuvo gamene nene mo-o lengikovo inite' nambalo gamene vai' ni-ima nanima ne-e neive. ¹⁷ Neni nene inite' vai lengi'tati ndalosa uvomba,asi ne'mine monovo igi mili ikevo O'moso'mo lingi ndolamine ' olengendo inite' lengemeline nigelove losa luve. ¹⁸ Inite nima-a nanine mo-o vai gehepeve ndo'kuve ,inite nambalo Epapolodutisi musumbola nouvo hulinindani ma-a nene O'moso la guno gizimavo onuvo lamine oga-a ine'mamine' ivosa nimikeve. ¹⁹ O'moso'ne'mo lingi gili mili inilizani' initeta nene gozo vai lolengendelive.Ezeia-ati heneni lamine' lengemeline,Izesu' Kiristo' gulivelo. ²⁰ O'moso meteho nene gamene,gamene gulive namba ndalive. Lamineve. ²¹ Izesu' Kiristo' gulivelo lingi ne-e gele,elevole inizavemu nene longoponi noluve ,le-e mela-a naku'ne zuho makato nunive netesi lengi kumu longopo'ni gamazi hulave. ²² Evene' O'mosolo' gili elevole avetesi indo Sisa' numungu gono ndavetesi lengi kumu longopo'ni gamazi hulave. ²³ Evene' namba, Izesu' Kiristo' ei zou, hungu, nasahili' ne'mo lengi' Sikalahu' tinda mine mendelo minelive.

Jude

Chapter 1

¹ Neni 'Juti' Izesu 'Kiristo' gonou'we 'Zemisi ' uwoloho neni' luhuvo gizo hulo legita nouwe, O'moso meteho' mo muluno ligimive indo' ogo asi loligidive, indo 'Kiristo ei' gizembo olegedelive. ² O'moso'mi zou hongu nasahilikisi indo' lelikumu giline'nene vo,namba ilive. ³ Neni' zuho gihileve, nezene O'moso'mo gono da'a avene luhuvo gizo lolengemekuvo gilielevole' igi diminilizave. ⁴ Nanite'kumuve evene'ma vovotingu mohaleki igi lingisi mo maka'nizave. Ne-eve'ne gomu'Polohete lite O'moso'mi gonito'ne ato'atoli'mine monovo indo' mulu'ine ota'a indo 'Izesu Kiristo'ni mehe'ine ima'a evene'nene vigoloso ilisave. ⁵ Indine gohi lolengemelove O'moso'mo evenele zuho Izipi embekuti' ndoheto'ogo gele'mizo anguti' gili,elevole' ama evene'nene ndogoloso ongindineve. ⁶ Indo Angelo' zuho O'moso'mo ngimine gono hulani nene seni nala' hukama ine' elevole' ogo mina'ine nala tunu nene ei O'moso'mo nalava izo nene hulogedeneivo goni' nambamu' gizembo nizave. ⁷ Sodomusi Gomolasi indo'o numuno namba'namba gahevela minani'kisi evene' goloso monovosi indo' golonduvo monovo lili' iga' avesi nene olo' lihizama'ine' olotunu' nene gizo lovote gendeleseive. ⁸ A'mine gidini ominine'nene evene'lengi vovotingu'nizani' evene' ukoine ndigoloso palasa igi mini Okulumoku Angelo'ngemega la'ave nesi O'moso'mo ndo goloso ongedeleseive. ⁹ Angelo' Maikolikisi indo sata'kisi Mose' helavo oko'nomu lovololize hizasine' gamenelo' nene O'mosomi Angelo'Maikoli' ei'nene gamazi lamo ei'O'moso'mo gamazi loemelive lo huline. ¹⁰ Indo'evene gamazi soza nilave muki' nene halekeneine' monovo nemo ndo goloso ongedeleseive. ¹¹ Mulumo gelegendelone,

nanitekumu've Keni monovoloma indo Balamu' lihime monovo ogo moni dalosa ine'mamino lolo avesi indo Kola'Mosekisi lolize hizisa Kola'hiline'maminosa lihime ndi hililisave. ¹² Nene evene' nene noso garamungu' halekeneine'geheni ne'mine nizave, indo' govozo hilami nosonite' naba gizivata' igi golize izi limuso lapa,nomine' limuso ne'mino hepeli'mo huhulo dohuline' ne'mine igi nizave. Indo zagihile izesa'mine' za ne'mine igi nizave. indo evene' gamene seta hilikeni' evene' nemini nizave, indo' za kiselihulikeni' musumbo ne'mini nizave. ¹³ Ne evene'nene guvonoso huko eza,ema ogo dogopo ongedo guvonoso'mo pipia inite dogavehela do'o kegesine',ido-o amine evene'nene sonohi'okulumoto digese igi O'moso'mo litimuso nambau' hulongedawo amungu minewo'minewo' igi minilisave. ¹⁴ Inoku'nene Adamu a'vopilemo namba seveni soto ogavo, Polohete gamazi ti'lo line' nigilo O'moso venamba nene Angelo'lesi mukito okulumoto' alisave. ¹⁵ O'moso aline nene' evene eikumu gili elevole ami indo monovo golososi indo gamazi golosopalasa limili nizave nene goni' ongedeleseive. ¹⁶ Ne evene' nene gamazi vai'li evene ngemega gamazi li monovo golosolo' emeti indo gulive'ine ndihozili mina'nani indo inite' dalizani evenekisi'vo minisa inite ndogopo' napa ingida' nave. ¹⁷ Neneiho neni'akuno'ne zuho gihile lingi ne gohi gatine gililo, gomu'vomelati Izesu' Kiristo' gonou'vete gamazi gomu liligimani gamazima neneive. ¹⁸ Indo' ti'li lilingimani gamene avito iline gamene nene O'mosomi gamazi lamine'kumu nene gize zohi igi negi monovo'ine golosomalo e'metilisave. ¹⁹ Nemine evene nete gili elevole igi nizave nene mulu'ingu 'hizikevo vihuko eza ema igi lolize hizilisave. Nemine evene nene memusubou monovomo engiku vai' lavo O'moso'mi Sikalahu engiku nomine minilisave. ²⁰ Neiho neni akunone zuho gihileve langisetine O'moso'mi gamazi gihilelo' gili elevole igi indo O'moso'mi Sikalahu nemo numuna'la monovo nene lolengemelive. ²¹ Lingine O'moso'mo lengi kumu muluno lingimigu nene minimili indo O'moso'mo muluno lingimingu gizembo Izesu' Kiristo' minevuminevo oga ndalingumu gizembo minelone. ²² Lingi nene evene gele elevole ani mo'hulikani evene kumu mulumo giligindilo. ²³ Minevuminevo oloku nene vikelizeve lo longemo indo'o monovo lamine nene lihimelove nene gelembezo engi monovo ine emetamo indo'o genegane ine izamo mino hoto ogo minezo.Indo'o gene gane ine nene nigo lamine amozo. ²⁴ O'moso, nene gizembo lamine olengedeleseive. Lihime monovou limikilizave lo nemine ogavo nene gohi mino elevole igi ngolize engiku' vai loloseive. ²⁵ Omoso hamo nemo Izesu' Kiristo, gonololoti ndo tine mololendo ei nene inite' muki meleho mineleseive. Indinisesi, alingekisi eikovo minevo minevo ogo mineleseive, Lamineve.